

**PERTANYAAN BUKAN LISAN
JABATAN PERDANA MENTERI
MESYUARAT KETIGA, PENGGAL KEDUA, PARLIMEN KE-14**

PERTANYAAN : BUKAN LISAN

**DARIPADA : DATO' SRI ISMAIL SABRI BIN YAAKOB
[BERA]**

SOALAN

DATO' SRI ISMAIL SABRI BIN YAAKOB [BERA] minta **PERDANA MENTERI** menyatakan berapakah kos untuk projek kereta nasional ke-3 dan apakah penglibatan Kerajaan di dalam projek ini.

JAWAPAN: YB TUAN MOHAMED HANIPA BIN MAIDIN

TIMBALAN MENTERI DI JABATAN PERDANA MENTERI

Tuan Yang di-Pertua,

Dunia kini menyaksikan perkembangan teknologi yang cukup pesat dan pantas selaras dengan revolusi industri ke-empat. Begitu juga dengan kereta-kereta yang dihasilkan pada masa kini yang cukup sarat dengan teknologi baru untuk memudahkan pemanduan dan menjadikan pemanduan lebih selamat.

Ucapan YAB Perdana Menteri semasa mengumumkan mengenai projek kereta nasional baharu dalam Bahasa Inggeris dengan izin, "*The idea about investing in national car is not just about building a national car, it's about becoming a catalyst for growing the Malaysian engineering capability*".

Ianya juga adalah selaras dengan hasrat kerajaan untuk menjadikan Malaysia sebagai negara pengeluar dan bukan lagi sebagai negara pengguna akan dapat dicapai dan dimanifestasikan sejajar

dengan Malaysia baru yang fokus dengan pembangunan sains dan teknologi.

Seperti yang telah diumumkan oleh YAB Perdana Menteri sebelum ini, Projek Kereta Nasional Baharu adalah inisiatif dari pihak swasta dan akan dibiayai sepenuhnya oleh pihak swasta. Tiada penglibatan dana rakyat dirancang untuk projek ini. Adalah dianggarkan kos pembangunan bagi Projek Kereta Nasional Baharu ini adalah diantara RM800 juta hingga RM850 juta yang akan ditanggung sepenuhnya oleh pihak swasta.

Penglibatan Kerajaan dalam Projek Kereta Nasional Baharu bukan hanya mewujudkan sebuah kereta tetapi mengambil kesempatan daripada bakat dan sumber yang ada untuk mewujudkan pemangkin bagi pembangunan ekosistem di mana usahawan, perniagaan dan industri dapat berkembang.

Ianya secara tidak langsung dapat mewujudkan peluang-peluang pekerjaan terutamanya kepada belia-belia tempatan dalam bidang kejuruteraan dimana iannya adalah salah satu kunci penting kepada Malaysia untuk menjadi negara pengeluar.

Sekian, terima kasih.